



جدوال قمبراچان خطبه جمعة

Siri 12/ 2022

(Bulan Disember Tahun 2022)

تاریخ	تاجوق	ب
2.12.2022M/ 7 Jamadilawwal 1444H	Khutbah Khas JKR Malaysia : قمبراچونن لیستاری، نعمتن دشوکوری	1.
9.12.2022M/ 14 Jamadilawwal 1444H	تغکو غجواب ایو باف دوقتو چوتی سکوله	2.
16.12.2022M/ 21 Jamadilawwal 1444H	منجان قنداقتن نکارا تغکو غجواب برسام	3.
23.12.2022M/ 28 Jamadilawwal 1444H	سایغن دنیا برقد	4.
30.12.2022M/ 6 Jamadilakhir 1444H	انق ۲... سدی کسکوله؟	5.
خطبه کدوا		

فرچیتقن دبیا یاء ی:



تلیفون: 04-5498088

***Jawatankuasa Panel Semakan Teks Khutbah
Negeri Pulau Pinang***

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Y.Bhg Dato' Rosli bin Othman**
Ahli Jawatankuasa Fatwa Negeri Pulau Pinang
- 3. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Guru, Madrasah Irshad Al-Ashraf Al-Wataniah, SPS
- 7. Ustaz Subki bin Mohamed**
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)



Khutbah Khas JKR Malaysia:

قُمْبَاغُونِ لِيَسْتَارِي، نَعْمَتُنْ دَشُوكُورِي

(2 Disember 2022M/ 7 Jamadilawwal 1444H)

الْحَمْدُ لِلَّهِ الْمَحْمُودِ عَلَى كُلِّ حَالٍ، نَسْأَلُ اللَّهَ سُبْحَانَهُ وَتَعَالَى جَمِيعَ الْخَيْرَاتِ فِي الْحَالِ وَالْمَالِ، وَنَعُوذُ بِهِ مِنْ أَحْوَالِ أَهْلِ الضَّلَالِ.

أَشْهَدُ أَنْ لَا إِلَهَ إِلَّا اللَّهُ وَحْدَهُ الْكَبِيرُ الْمُتَعَالَى، وَأَشْهَدُ أَنَّ سَيِّدَنَا وَنَبِيَّنَا مُحَمَّدًا عَبْدَهُ وَرَسُولَهُ جَبَلَهُ اللَّهُ عَلَى جَمِيعِ الْخِصَالِ.

صَلَوَاتُ اللَّهِ وَسَلَامُهُ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ وَالتَّابِعِينَ وَمَنْ تَبِعَهُمْ بِإِحْسَانٍ إِلَى يَوْمٍ لَا يَنْفَعُهُ شَيْءٌ إِلَّا حُسْنُ الْأَعْمَالِ.

فَيَا عِبَادَ اللَّهِ، أَوْصِيكُمْ وَإِيَّايَ بِتَقْوَى اللَّهِ فَقَدْ فَازَ الْمُؤْمِنُونَ الْمُتَّقُونَ.

SIDANG JUMAAT YANG DIRAHMATI ALLAH,

Marilah kita mempertingkatkan ketaqwaan kepada Allah سُبْحَانَهُ وَتَعَالَى dengan mematuhi segala suruhan-Nya dan menjauhi segala tegahan-Nya. Semoga kita sentiasa terpelihara daripada segala perbuatan yang mengundang kemurkaan Allah سُبْحَانَهُ وَتَعَالَى.

Sebelum melanjutkan bicara, suka khatib memberi peringatan. Marilah kita tinggalkan perkara lagha yang bertentangan dengan sunnah serta adab yang boleh mengurangkan pahala, iaitu tindakan yang memesongkan perhatian daripada mendengar khutbah dan isi kandungannya. Ini termasuklah perbuatan berbual-bual, tidur dengan sengaja, bermain telefon bimbit dan menggerakkan tabung kutipan



semasa khatib sedang berkhutbah. Bicara mimbar pada hari ini bertajuk: "**Pembangunan Lestari, Nikmatnya Disyukuri.**"

SIDANG JEMAAH YANG BERBAHAGIA,

Allah سُبْحَانَهُ وَتَعَالَى telah menetapkan syariat Islam yang syumul, sebagai asas kejayaan dan jalan kebahagiaan dalam segenap aspek kehidupan manusia. Bidang sains dan kejuruteraan adalah antara cabang juzuk ilmu dalam Islam, yang bertunjangkan kepada tauhid kepada Allah Yang Maha Esa. Ilmu Sains dan Teknologi Kejuruteraan menjadi pemangkin utama kepada pembangunan dunia untuk diterokai bersama-sama yang berpaksikan kepada prinsip-prinsip yang ditetapkan oleh Allah سُبْحَانَهُ وَتَعَالَى dan Rasul-Nya.

Pelbagai kebenaran dan bukti yang telah ditemui menunjukkan kekuasaan dan keagungan Allah سُبْحَانَهُ وَتَعَالَى hasil daripada penemuan dan penyelidikan sains dan kejuruteraan yang tidak bercanggah dengan hukum syarak.

Bidang teknologi kejuruteraan adalah cabang ilmu yang merangkumi penguasaan ilmu dalam penggunaan teknologi secara efisien bagi tujuan kebaikan dan manfaat manusia sejagat. Secara tidak langsung, ia merupakan satu wadah bagi membantu manusia memenuhi tanggungjawab sebagai khalifah Allah di muka bumi.

Kajian terhadap sejarah tamadun umat-umat terdahulu amat penting untuk dijadikan pedoman. Di dalam al-Quran terdapat ayat-ayat yang menceritakan perihal tamadun-tamadun silam yang dibinasakan Allah lantaran keengkaran mereka untuk mentaati perintah Allah malah mencabar kekuasaan Allah سُبْحَانَهُ وَتَعَالَى.

SIDANG JEMAAH YANG DIRAHMATI ALLAH,

Sejarah ketamadunan menjelaskan, walaupun teknologi kejuruteraan dan kepakaran yang dihasilkan umat terdahulu seperti kaum Tsamud, Fir'aun, Kaum Ad, canggih dan hebat sehingga mampu menebuk gunung-gunung yang besar bagi dijadikan istana dan menara, namun apabila perintah Allah tidak dituruti, maka tamadun yang dibina sekian lama akhirnya dimusnahkan.

Ingatlah sentiasa, walau secanggih dan sehebat manapun teknologi serta keupayaan manusia, ia tidak akan sesekali dapat melepasi batasan ilmu oleh Allah **سُبْحَانَهُ وَتَعَالَى**, Tuhan Yang Maha Mengetahui. Firman Allah SWT dalam surah al-Rum, ayat 42:

قُلْ سِيرُوا فِي الْأَرْضِ فَانظُرُوا كَيْفَ كَانَ عَاقِبَةُ الَّذِينَ مِن قَبْلُ كَانَ أَكْثَرُهُم مُّشْرِكِينَ ﴿٤٢﴾

Maksudnya: *“Mengembaralah kamu di muka bumi kemudian lihatlah bagaimana kesudahan orang-orang yang telah lalu (yang telah dibinasakan), kebanyakan mereka adalah orang-orang musyrik.”*

SIDANG JEMAAH YANG DIRAHMATI ALLAH,

Sememangnya tiada siapa pun boleh menyangkal bahawa kesan perkembangan teknologi dan ledakan kemajuan kejuruteraan pada hari ini telah mengubah lanskap kehidupan manusia mengikut arus perubahan zaman sama ada di daratan, lautan mahupun di udara.

Dengan kebijaksanaan akal yang dikurniakan oleh Allah kepada manusia, pelbagai peralatan inovasi, kemudahan fasiliti bangunan dan infrastruktur yang bermanfaat telah dibangunkan untuk kemudahan manusia antaranya hospital, sekolah, lapangan terbang, masjid, universiti dan sebagainya.

SIDANG JEMAAH YANG DIRAHMATI ALLAH,

Bidang teknikal dan kejuruteraan adalah nadi kepada acuan kemajuan negara yang telah mewujudkan pelbagai profesion teknikal seperti para Jurutera, Arkitek, Juru Ukur Bahan, Juru Ukur Tanah, Ahli Geologi, Teknologis dan Juruteknik yang sudah semestinya berpaksikan kepada keserjanaan disiplin ilmu dan kepakaran yang mendalam.

Di sebalik tersergamnya keindahan sesebuah bangunan seperti masjid, hospital, lapangan terbang dan sebagainya, para profesion teknikal terus berjuang mencurahkan keringat idea dan fikiran demi memastikan keselamatan, keselesaan dan juga kemudahan manusia dapat dipertingkatkan. Pelbagai bidang kejuruteraan lain seperti automatik, aeroangkasa, penjanaan dan pengagihan tenaga, petrokimia, dan lain- lain turut berperanan menyumbang, demi kesejahteraan ummah. Walaupun tugas ini amat mencabar, namun ianya terus digalas demi memenuhi amanahnya, yang ditugaskan demi kelangsungan pembangunan infrastruktur dan pemodenan negara yang lestari dan mampan.

Penganjuran Hari Profesional Teknikal Negara (HPTN) disambut pada hari Sabtu pertama bulan Disember setiap tahun. Sambutan yang bertemakan “**Mengungguli Teknologi, Melonjak Pembangunan**” ini adalah bagi menghargai dan mengiktiraf sumbangan warga profesion teknikal di seluruh negara. Atas sumbangan yang cukup signifikan kepada pembangunan dan kemajuan negara, sambutan ini juga dibuat bagi memupuk minat generasi muda untuk berkecimpung dalam profesion teknikal.

Sejajar dengan perkembangan global terutamanya ledakan teknologi Revolusi Industri (IR 4.0), warga profesion teknikal berperanan penting untuk bersama- sama mengembleng tenaga dan

kepakaran ke arah menggerakkan negara dan melangkaui aspirasi rakyat dalam semua bidang pembangunan teknikal seperti kejuruteraan, kesihatan, penyelidikan, pendidikan, *Information Communication Technology (ICT)* dan sebagainya. Sabda Rasulullah ﷺ yang berbunyi:

خَيْرُ النَّاسِ أَنْفَعُهُمْ لِلنَّاسِ

Maksudnya: “Sebaik-baik manusia, adalah yang paling banyak memberikan manfaat untuk manusia lain.” (Hadis Riwayat at-Tabrani)

Sehingga tahun ini, Malaysia mempunyai hampir suku juta keanggotaan pendaftaran profesional dalam pelbagai bidang kemahiran berkaitan profesion teknikal. Ini membuktikan betapa profesion teknikal merupakan profesion yang kritikal dan penting bagi pembangunan negara.

Selain itu bagi sektor awam, Malaysia juga boleh berbangga dengan agensi teknikal kerajaan contohnya Kementerian Kerja Raya (KKR) melalui agensi teknikalnya yang banyak berjasa kepada pembangunan infrastruktur negara sejak ia ditubuhkan pada tahun 1872.

Syukur alhamdulillah, tahun ini JKR Malaysia telah pun mencapai usia 150 tahun pembabitannya dalam arus pembangunan negara. Kita juga perlu realistik dengan kemampuan umat Islam untuk diberikan pendedahan menyumbang kepakaran teknikal dan kejuruteraan ke pentas antarabangsa sekaligus mengharumkan nama Malaysia seantero dunia.

SIDANG JEMAAH YANG DIRAHMATI ALLAH,

Mengakhiri khutbah, renungkan beberapa kesimpulan sebagai panduan kita bersama:-

Pertama: Umat Islam hendaklah meyakini bahawa setiap tindakan dan perbuatan akan dibalas dengan adil oleh Allah **سُبْحَانَهُ وَتَعَالَى**.

Kedua: Umat Islam diingatkan agar jangan mencabar kekuasaan Allah yang boleh mengundang musibah dengan melakukan pelbagai maksiat dan kemungkaran.

Ketiga: Umat Islam hendaklah berusaha sedaya upaya menguasai pelbagai kepakaran dan disiplin ilmu ke arah kehidupan yang lebih berkualiti demi kebahagiaan dunia dan akhirat.

Keempat: Hiasilah kehidupan kita di dunia dengan melakukan perkara yang memberi manfaat kepada semua orang termasuk diri sendiri demi menggapai keredhaan Allah **سُبْحَانَهُ وَتَعَالَى**.

Hayatilah firman Allah dalam Surah Ali-Imran ayat 191:

الَّذِينَ يَذْكُرُونَ اللَّهَ قِيَمًا وَقُعُودًا وَعَلَىٰ جُنُوبِهِمْ وَيَتَفَكَّرُونَ فِي خَلْقِ السَّمَوَاتِ وَالْأَرْضِ
رَبَّنَا مَا خَلَقْتَ هَذَا بَطْلًا سُبْحَانَكَ فَقِنَا عَذَابَ النَّارِ ﴿١٩١﴾

Maksudnya: *“(Iaitu) orang-orang yang menyebut dan mengingati Allah semasa mereka berdiri dan duduk dan semasa mereka berbaring mengiring dan mereka pula memikirkan tentang kejadian langit dan bumi (sambil berkata): Wahai Tuhan kami! Tidaklah Engkau menjadikan benda-benda ini dengan sia-sia, Maha Suci Engkau, maka peliharalah kami dari azab Neraka.”*

بَارَكَ اللَّهُ لِي وَلَكُمْ فِي الْكِتَابِ وَالسُّنَّةِ، وَنَفَعَنِي وَإِيَّاكُمْ بِالْآيَاتِ وَالْحِكْمَةِ،
أَقُولُ قَوْلِي هَذَا، إِنْ كَانَ صَوَابًا فَمِنَ اللَّهِ الْمَنَّانِ، وَإِنْ كَانَ خَطَأً فَمِنْ نَفْسِي
وَالشَّيْطَانِ، وَأَسْتَغْفِرُ اللَّهَ الْعَظِيمَ لِي وَلَكُمْ وَلِسَائِرِ الْمُسْلِمِينَ
وَالْمُسْلِمَاتِ وَالْمُؤْمِنِينَ وَالْمُؤْمِنَاتِ إِنَّهُ هُوَ الْغَفُورُ الرَّحِيمُ.



خطبة كدوا بولن ديسمبر

2022M/ 1444H

الْحَمْدُ لِلَّهِ عَلَى آلائِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعَظِيمًا لِسَانِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِنَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ
وَمَرْضَاتِهِ، ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ بِنَفْسِهِ؛ فَقَالَ عَلِيمًا
حَكِيمًا:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا

﴿الأحزاب: 56﴾

اللَّهُمَّ صَلِّ وَسَلَّم عَلَى عَبْدِكَ وَرَسُولِكَ مُحَمَّدٍ نِ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ
إِلَى يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.

اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،



Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالزُّنَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ.
اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf melalui agensi milik penuh Majlis Agama Islam Negeri Pulau Pinang (MAINPP) iaitu Zakat Pulau Pinang (ZPP) dan Wakaf Pulau Pinang (WPP). Bersama-sama kita sumbangkan 10% daripada hasil kutipan Tabung Jumaat mingguan dari setiap masjid kepada Tabung Wakaf yang telah ditubuhkan. Semoga infaq yang dihulurkan menjadi saham yang berkekalan manfaatnya, di dunia dan akhirat.

Ya Allah! Berilah petunjuk-Mu kepada kami dan pemimpin-pemimpin kami untuk memberikan khidmat bakti yang terbaik kepada agama, bangsa dan negara. Ya Allah! Kuatkan iman kami agar dapat



menghindari perbuatan khianat, salah guna kuasa dan harta, memberi atau menerima rasuah dan segala perbuatan durjana yang merosakkan kepentingan agama, masyarakat dan negara. Jauhkan kami dari tergolong dalam golongan yang mengabaikan tanggungjawab yang telah diamanahkan.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٠﴾ فَادْكُرُوا اللَّهَ الْجَلِيلَ يَذْكُرْكُمْ، وَاشْكُرُوا عَلَى نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١١﴾